

1.-2. bekkur 2023 - 2024

Umsjónarkennari: Kristín Gísladóttir
Stuðningsfulltrúi: Ásta Björg Nathanaelsdóttir
Heimastofa: Kátaland

Skipulag í 1. - 2. bekk

Samkennsla er í 1. og 2. bekk. Lögð er áhersla á það að nemendur fái námsefni miðað við áhuga og getu hvers og eins. Til að koma til móts við áhuga þeirra og getu nýtum við okkur val í námi og stöðvavinnu, þegar verið er að æfa betur það sem lagt hefur verið inn. Við leggjum einnig mikla áherslu á samskipta- og félagsfærni og að efla sjálfsmynd barnanna með jákvæðni, hvatningu og fjölbreyttum kennsluaðferðum.

Íslenska

Kennari: Kristín Gísladóttir

Markmið

Sjá Aðalnámskrá grunnskóla á heimasíðu menntamálaráðuneytisins: www.menntamalaraduneyti.is undir liðnum námskrár.

Helstu viðfangsefni

Samkvæmt Aðalnámskrá skiptist íslensku námið í eftirfarandi þætti: lestur og bókmenntir, talað mál og hlustun, ritun og málfræði.

Námsgögn

Valin verkefni úr; Listin að lesa og skrifa, Við lesum, Markviss málörvun I og II, Ritrún, Það er leikur að læra, Lestrarlandið, Lubbi finnur málbein, Ég get lesið, Orðasjóður, Markviss málörvun o.fl. Fjörlitað efni af veraldarvefnum og verkefni búin til að kennara. Fjörlitaðar lestrarbækur af 123 skoli.is og Létt lestrarbækur frá Námsgagnastofnun, skipt í þyngdarflokkum.

Kennsluhættir/Kennslufyrirkomulag

Samkennsla er í 1.-2. bekk. Lögð áhersla á heildstæða nálgun í móðurmálskennslu sem nær til allra þáttu móðurmálsins. Unnið er með tal, hlustun, lestur, framsögn og ritun í einni heild.

Nemendur læra að þekkja alla stafina og hljóð þeirra. Lagðir eru inn 2-3 stafir á viku og unnið er með þá á fjölbreyttan hátt í ritun, skrift, málfræði, föndri, söng og ýmsum námsspilum. Nemendur æfa samlestur, víxllestur, kórlestur, vinallestur og kynnast gagnvirkum lestri og PALS lestrarþjálfun. Eftir innlagnir er unnið, einstaklingslega, í litlum hóp og á stöðvum til þess að æfa það sem lagt hefur verið inn. Íslenska er kennd alla daga.

Námsmat

- Lesferill: stafaþekking, lesfimi og nefnuhraði. (Haustönn-miðönn-vorönn)
- Skriflega umsögn við lok haustannar og vorannar.
- Börnin safna í möppu því besta sem þau hafa gert á hverri önn og fara með heim við lok skólaárs.

Stærðfræði

Kennari: Kristín Gísladóttir

Markmið

Sjá markmið í Aðalnámskrá grunnskóla fyrir stærðfræði:

<http://www.menntamalaraduneyti.is/utgefid-efni/namskrar/adalnamskra-grunnskola/>

Helstu viðfangsefni

Þekking á tölustöfum, flokkun, form, gerð kannana, samlagningu, frádrátt, árstíðir, tímatalshugtök og staðsetningarhugtök.

Námsgögn

Æfingarhefti 1a og b í Sprotabókarflokknum. Kátt er í Kynjadal. Ljósrit úr eldri bókum og verkefni af netinu. Gagnvirkar æfingar, leikir og spil.

Kennsluhættir

Unnið verður mikið til í stöðvarvinnu þar sem kennari leggur inn efnið og nemendur þjálfa sig á ýmsan hátt á þar til gerðum stöðvum og vinna verkefni sem hæfa getu hvers og eins. Þar undir er samvinnunám, paravinna, hópavinna og einnig verður kennt í einstaklingsnámi. Samræður spila einnig veigamikið hlutverk í námi barnanna. Nemendur fá einnig val innan stærðfræðilegra verkefna og fá tækifæri til að skila verkefnum með þeim hætti sem hentar þeim.

Kennslufyrirkomulag

Stærðfræði er kennd 5 sinnum í viku. Samkennsla er í 1. og 2.bekk.

Námsmat

Leiðsagnarmat og sjálfsmat. Verkefnum nemenda safnað saman og sett saman í verkefnabók við lok annar. Litlar kannanir til að athuga stöðu nemenda og laga til áherslur.

Enska

Kennari: Kristín Gísladóttir

Markmið:

Sjá markmið í Aðalnámskrá grunnskóla fyrir ensku:

<http://www.menntamalaraduneyti.is/utgefid-efni/namskrar/adalnamskra-grunnskola/>

Aðal viðfangsefnin eru:

Numbers, colors, family, body, animals, birthday. Nemendur læra að kynna sig og heilsa, fylgja einföldum fyrirmælum kennara, taka undir í söng og skrifað einföld orð og setningar.

Námsgögn:

Útprentað námsefni, gagnvirkt efni og kennsluforrit af veraldarvefnum, orðabækur, spil, leikir og söngvar.

Kennsluhættir:

Áhersla er lögð á að byggja jákvætt viðhorf til tungumálsins og skapa aðstæður sem örva nemendur til þess að nota málið á einfaldan hátt.

Helstu kennsluaðferðir eru einstaklingsnámi, samvinnunám, paravinna, hópvinna, stöðvavinna og leikræn tjáning.

Unnið verður með hvert viðfangsefni á fjölbreyttan hátt, eins og í gegnum leiki, söngva, hugarkort, teikningar og stutt skrifleg verkefni.

Kennslufyrirkomulag:

Enska er kennd einu sinni í viku í 40 mínútur í senn.

Námsmat:

Leiðsagnarmat, sjálfsmat og virknimat. Nemendur safna verkefnum sínum saman og verður gerð vinnubók úr þeim.

Myndmennt

Kennari : Helena Steinþórssdóttir

Markmið:

Að nemandi: Geti nýtt sér grunnþætti myndlistar í eigin sköpun. Þekki hugtakið sjónarhorn og geti unnið með mismunandi sjónarhorn. Geti unnið mynd eftir fyrirmynd. Geti gert sér grein fyrir verðmæti efna sem unnið er með. Kynnist bæði íslenskum og erlendum listamönnum frá ýmsum tímum og verkum þeirra. Kynnist litafræði og litablöndun. Geti gengið frá verkefnum, efnunum og áhöldum. Læri að þekkja eiginleka hvers miðils fyrir sig. Horfi á umhverfi sitt og þjálfist í að notfæra sér það sem hann uppgötvar. Þekki möguleika línumnar og vinni með hana á markvissan hátt. Geti lýst munnlega/skriflega skoðun sinni á myndverki.

Námsgögn:

Unnið verkefni úr bókinni: „Ég sé með teikningu“ og hugmyndum sem fundnar eru á netinu.

Námsmat:

Símat kennara sem einkum felur í sér eftirfarandi þætti: áhuga, samviskusemi, elju, sjálfstæði, skapandi vinnubrögð og frágang.

Kennsluhættir:

Hugmynd af verkefni er kynnt fyrir nemendum sem unnið er eftir. Ýtt er undir sköpunargleði hvers og eins og stutt við hugmyndir sem koma til nemenda við sköpunina.

Kennslufyrirkomulag:

Myndmennt er kennd einu sinni í viku 40 mínútur í senn.

Hönnun og smíði

Kennari: Lilja Loftsdóttir

Markmið:

Sjá aðalnámskrá:

<http://www.menntamalaraduneyti.is/utgefild-efni/namskrar/adalnamskra-grunnskola/>

Aðalviðfangsefnin eru:

Nemendur smíða hlut úr efni úr skóginum í Þjórsárdal. Einnig verða unnin verkefni úr ýmsum öðrum efnunum þar sem nýsköpunarkennsla fléttast inn. Lögð er áhersla á að nemendur þjálfist í læsi og geti unnið út frá teikningum og að nemendur læri að velja rétt verkfæri hverju sinni.

Námsgögn:

Smíði eftir Árna Árnason, Búa Kristjánsson og Ólaf Ólafsson

Ljósrit frá kennara

Veraldarvefurinn

Kennsluhættir:

Stundum er kennslunni beint til alls hópsins en oft til einstaklingsins. Nemendur eru hvattir til að sýna frumkvæði og vera sjálfstæðir í vinnubrögðum.

Kennslufyrirkomulag:

Bekkurinn fær kennslu fjórum sinnum í senn fjögur skipti yfir veturinn. Kennslustundin er 80 mín.

Námsmat:

Þættir eins og hæfni í notkun áhalda, frágangi og vandvirkni eru metnir.

Textíll

Kennari: Hrönn Brandsdóttir

Markmið

Nemendur kynnast helstu grunnþáttum og orðræðu greinarinnar.

Helstu viðfangsefni

Nemendur:

- Læra að tileinka sér helstu hugtök greinarinnar og þekkja áhöld hennar
- Læra að beita skærum og þjálfast í því að klippa efni og garn
- Þjálfast í einföldum vefnaði
- Læra að þræða nál og sauma einföld útsaumsspor

Kennsluaðferðir

Bein kennsla og sýnikennsla.

Kennslufyrirkomulag

Á stundarskrá eru tvær kennslustundir í viku, hluta af haustönn og hluta af vorönn.

Námsmat

Við námsmat að loknum vetri verður tekið mið af vinnusemi og áhuga nemenda í kennslustundum.

Auk þess verður hvert verkefni metið, með tilliti til vandvirkni, færni og frágangs.

Tónmennt

Kennari: Helena Steinþórsdóttir og til stuðnings Sigríður Garðarsdóttir

Markmið

<http://www.menntamalaraduneyti.is/utgefid-efni/namskrar/adalnamskra-grunnskola/>

- Í 1. og 2. bekk geti nemendur sungið einföld lög
- Ráði við að klappa einfaldan rytma með háfnótum, fjórðapartsnótum og þögnum, áttundapartsnótum og stöku sinnum sextándapartsnótum.
- Þekki blæbrigðamun tónlistar og þessi alþjóðalegu/ítölsku orð sem tákna það; forte, piano, crescendo.

Námsleiðir

- Nemendur vinna með og upplifa tónlist í gegnum söng, hreyfingu, hlustun, og hljóðfærnotkun
- Sönglög verða kennd og unnið með frumbætti tónlistar
- Unnið verður með hryn og púls í lögum sem þau syngja og hlusta á með hreyfingu og hljóðfærslætti.
- Unnið verður með frumbætti tónlistar og tónlistarhugtök í gegn um söng, hreyfingu og hlustun.

Námsefni

Tónlist og líkaminn. Flautan og liturnir, blokkflautuefnir.

Annað efni: lög af ýmsum toga, leikir og þemategund vinna eins og hátíðir, árshátíð og Eurovision.

Námsleiðir:

Nemendum í 1. og 2. Bekk er kennt saman, 40 mínútur á viku til móts við upplýsingatækni.

Námsmat

Byggir á virkni, getu, hegðun og þátttöku í tínum. Umsögn gefin í lok hverrar annar.

Heimilisfræði

Kennari: Andrea Sif Snæbjörnsdóttir

Markmið - Sjá aðalnámskrá grunnskóla fyrir heimilisfræði:

<https://www.stjornarradid.is/lisalib/getfile.aspx?itemid=f7d55056-989c-11e7-941c-005056bc4d74>

Helstu viðfangsefn

- Hvaðan kemur mjólkinn og eiginleikar hennar
- Tennurnar okkar
- Umgengni í eldhúsini
- Eldhúsáhöld

Námsgögn – Gott og gaman, heimilisfræði fyrir byrjendur.

Kennsluhættir - Verklegar æfingar. Umræður

Kennslufyrirkomulag – 40 mínútur einu sinni í viku, 9 skipti á önn.

Námsmat - Fylgst er með færni og framförum nemandans og lagt mat á það hvernig honum gengur að tileinka sér markmið og leiðir. Sjálfstæði og samvinna ásamt virkni eru þættir sem áhersla er lögð á.

Útikennsla

Kennari: Lilja Loftsdóttir

Markmið

Markmið útináms er að nemendur öðlist tilfinningu fyrir umhverfi sínu og áhrifum náttúru á þeirra daglega líf. Einnig að nemendur læri að tileinka sér sterkt og gott viðhorf til náttúrunnar, útvistar, hreyfingar og heilbrigði. Einnig er lögð áhersla á að nemendur klæði sig rétt miðað við veðurfar hverju sinni.

Helstu viðfangsefni

Viðfangsefni útináms eru fjölbreytt og fléttast saman við aðrar greinar skólans. Sérstök áhersla verður lögð á nánasta umhverfi skólans, náttúrulegt og manngert, árstíðirnar og einkenni þeirra, veðurfar, hreyfingu, sköpun og sjálfbærni. Auk þess munu félagsþættir vega þungt í útinámi svo sem, samskipti og félagsfærni.

Kennsluhættir og kennsluaðferðir

Kennsla fer að mestu leyti fram utandyra og byggir að mestu á athugunum, umræðum, þrautum og skapandi verkefnum. Nemendur munu ýmist vinna í samvinnu við aðra eða sjálfstætt við öflun gagna, athuganir, prófanir, mælingar og úrvinnslu.

Námsmat

Lagt verður mat á færni, framfarir, vinnusemi og áhuga nemenda í kennslustundum. Auk þess verður metið hvernig nemendum gengur að tileinka sér markmið námsins.

Skólaíþróttir

Kennari: Elin Moqvist

Markmið - Sjá Aðalnámskrá:

<http://www.menntamalaraduneyti.is/utgefild-efni/namskrar/adalnamskra-grunnskola/>

Helstu viðfangsefni- Kennd verða undirstöðuatriði íþróttagreina sem stundaðar eru á Íslandi. Mikil áhersla er lögð á að nemendur auki sjálfstraust sitt, viljastyrk og áræðni, sýni góða hegðun og þjálfist í samvinnu. Ásamt því að þjálfra sköpun og tjáningu og auka heilbrigði nemenda. Nemendur læra m.a. ýmis hugtök, reglur, skipulagsform, umgengni við áhöld og venjur í búningsklefa og öðlist einnig þekkingu á starfsemi líkamans í tengslum við hreyfingu og íþróttir.

Námsgögn - Unnið er með þau íþróttáhöld sem skólinn hefur afnot af og henta hverju sinni.

Kennsluhættir - Kennslan er fjölbreytt en hún fer aðallega fram í formi æfinga og leikja. Stundum er kennslunni beint til alls hópsins og stundum til fárra í senn eða einstaklingsins. Fyrirkomulagið er margs konar, s.s. leikir, æfingar, stöðvaþjálfun og hringþjálfun, hvort sem er með eða án áhalda.

Kennslufyrirkomulag - Nemendur fá íþróttakennslu 50mín. í senn, 1x í viku.

Kennslan fer að mestu leyti fram í íþróttasal en útikennsla er nokkrar vikur að hausti og að vori, eða þegar veður leyfir.

Námsmat - Námsmat byggir á símati og gátlistum þar sem metnir eru þættir á borð við virkni, samvinnu, leikni og afkastagetu nemenda

Sund

Kennari: Guðbjörg H. Bjarnadóttir

Markmið:

Sjá Aðalnámskrá <http://www.menntamalaraduneyti.is/utgefid-efnj/namskrar/adalnamskra-grunnskola/>

Aðal viðfangsefnin eru:

Lögð er megináhersla á aðlögun barnsins að vatninu í gegnum leik og æfingar sem efla skynfæri líkamans í vatni. Kynna sundaðferðir og þá sérstaklega fótatök td. í skrið og baksundi þar sem hreyfingar eru mun einfaldari en bringusundsþotatök. Mikilvægt er að börnin fái jákvæða upplifun í kennslustundum og njóti þess að sækja sundtíma. Þau fá verkefni sem samanstanda ma. af vatnslaðlögun, hreyfinámi og stigbundinni sundkennslu.

Námsgögn:

Unnið er með þau áhöld sem skólinn hefur afnot af og henta hverju sinni.

Kennsluhættir:

Kennslan er fjölbreytt en hún fer aðallega fram í formi æfinga og leikja. Stundum er kennslunni beint til alls hópsins en oft til fárra í senn eða einstaklingsins. Fyrirkomulagið er margs konar, s.s. leikir, æfingar, stöðvaþjálfun og hringþjálfun, hvort sem er með eða án áhalda.

Kennslu fyrirkomulag

Stúlkur úr 1.og 2.bekk eru saman í hóp og drengirnir eru saman í öðrum hópi.

Kennt er 40 mín. í senn 1x í viku.

Kennslan fer fram í Neslaug.

Námsmat:

Námsmat byggir á símati og gátlistum þar sem metnir eru þættir á borð við virkni, samvinnu, leikni og afkastagetu nemenda.

Jóga

Kennari Elin Moqvist

Nemendur í 1.-7. bekk eru í jógatínum einu sinni í viku allt skólaárið. Yngsta stigið er í 40 mín og miðstigið í 45 mín.

Markmiðin í jóga eru að nemendur:

- Pekki mismunandi tegundir af jóga
- Pekki og tileinki sér öndunaræfingar
- Pekki helstu jógastöðurnar
- Taki virkan þátt í æfingum
- Pekki hugleiðslu og af hverju við notum hana
- Beri virðingu fyrir sjálfum sér og öðrum

Kennslan fer aðalega fram inni en ef veður leyfir þá förum við út og notum náttúran og umhverfið.

Kennsluhættir eru fjölbreyttir og lögð er áhersla á það að skapa umhverfi þar sem börnunum líður vel og tileinknar sér hugleiðslu og slökun.

ART

Kennarar: Ingibjörg María Guðmundsdóttir og Lilja Loftsdóttir

Markmið

- Að vekja nemendur til umhugsunar um þau hugtök sem notuð eru í félagsfærni, sjálfsstjórni og siðferðisvitund.
- Að kenna nemendum að þekkja tilfinningar sínar og setja sig í spor annara.
- Að kenna nemendum jákvæðar leiðir í samskiptum.

Aðalviðfangsefnin eru:

Félagsfærniþjálfun - Nemendum eru kennd jákvæð samskipti t.d. með umræðum, hlutverkaleikjum.

Sjálfsstjórni – Nemendum eru kenndar leiðir til þess að bregðast við árekstrum og stjórna skapinu sínu. Nemendum eru kenndar nýjar samskiptaleiðir og efla þannig félagslega færni.

Efling siðferðis – Þjálfun í rökræðum, með aðstoð kennara, út frá klípusögum þar sem fram koma siðferðileg álitamál.

Námsgögn og kennsluhættir

ART námsefni, efni af veraldarvefnum og búin til af kennurum. Kennsluhættir eru fjölbreyttir en mikið er um hlutverkaleiki og umræður.

Kennslufyrirkomulag

ART er í stundatöflu barnanna 1x í viku. Hver tími byrjar og endar á sama hátt og lögð er áhersla á það að skapa umhverfi þar sem börnunum líður vel og að tímarnir séu hnitmiðaðir og skemmtilegir.

Upplýsingatækni

Kennari: Helena Steinþórsdóttir

Markmið

Sjá Aðalnámskrá grunnskóla á heimasíðu menntamálaráðuneytisins: www.menntamalaraduneyti.is

Aðalviðfangsefnin eru:

- Nemendur læri grunnumgengni við tölvur t.d. frágang, skrá sig inn eftir lykilorði o.fl.
- Nemendur kynnist þeim möguleikum sem tölvur búa yfir.
- Nemendur læri að nýta sér tölvur við ritun.
- Nemendur byrji að tileinka sér rétta fingrasetningu.

Námsgögn og kennsluhættir

Unnið er með kennsluforrit og verkefni útbúin af kennara. Notaðar eru bæði fartölvur og spjaldtölvur. Tölvuvélmennin Dot og Dash.

Kennslufyrirkomulag

Tónmennt og upplýsingatækni er kennd til skiptis eða í bland 1 kennslustund í viku.

Námsmat – Leiðsagnarmat

Umsögn frá kennara um umgengni, vinnusemi og áhuga í lok annar.